

Viro clarissimo I. Iacobo B*** s.p.d. I. L. Valsechius

Autor(en): **Valsechius, J.L.**

Objekttyp: **Article**

Zeitschrift: **Museum Helveticum ad iuvandas literas in publicos usus apertum**

Band (Jahr): - **(1750)**

Heft 19

PDF erstellt am: **05.07.2024**

Persistenter Link: <https://doi.org/10.5169/seals-394678>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Viro Clarissimo

J. JACOBO B***

S. P. D.

J. L. VALSECHIUS.

PRomiseram tibi, Turicum vestrum relin-
quens, literas ad te dare, quamprimum
Mediolani advenissem; cohibuerunt autem
propositum meum varia negotia, quæ sta-
tim in adventu meo omne, quod Musis conse-
crare constitueram, tempus abstulerunt, nunc
autem te salvum esse, meque feliciter montes in-
gentes incolumem superasse gaudeo. Expectas au-
tem Vir eruditissime! ut quæ heic loci in Repu-
blica literaria gerantur tibi significem. Tumultum
aliquem, vel seditionem apud plurimos haud ita
pridem suscitavit vir doctiss. ANSALDUS, pro-
ducta in medium Sententia de Gallo Gallinaceo
Hierosolymis in ædibus Pontificis a Petro audito,
en titulum libri, *CASTI INNOCENTIS ANSAL-
DI, Ordinis Prædicatorum, de forensi Judæorum Buc-
cina commentarius, Brixiae MDCCXLIV.* forma
quarta, pl. 20. In amplo hoc commentario Vir
doctus id agit, ut probet Apostolum Petrum non
Gallinaceum, sed Buccinam forenses Judæorum,
Synedrium ad Judicium de Christo ferendum con-
vocantem audivisse. Vix autem credes, Vir Cla-
rissime! quantos clamores, injurias, atque tumul-
tus apud Monachos, superstiosiores præsertim &
Criticæ ignaros nova hæc assertio per totam Ita-
liam

liam suscitaverit, transiit autem hæc sententia ex Helvetia vestra in Italiam, primus enim, qui eam Orbi erudito exhibuit fuit Cl. *ALTMANNUS*, *Biblioth. Bremens. Tom. V. p. 451.* Nec certe hac in re antecessorem suum dissimulavit *Anfaldus*, fatetur enim p. 34. se hujus explicationis auctorem non esse, verba ejus hæc sunt. *Facem mihi hac in interpretatione fateor ALTMANNUM prætulisse*; Utitur etiam ad Sententiam suam firmandam iisdem argumentis *Anfaldus*, quæ ad rem suam probandam produxerat *Altmannus*, atque hac in re minori certe utitur sinceritate *Anfaldus*, quia hæc omnia tanquam ex proprio armamentario exhibitata, lectori tradit. Cum autem totum hunc commentarium legissem, dolebam vehementer *Anfaldum* posteriorem illam *Altmanni* exercitationem, in qua prolixius hanc suam Sententiam adversus criminationes & objectiones quorundam ἀντιλεγοντων firmavit & defendit non vidisse, & quæ comparuit *Temp. Helvet. Tom. IV. p. I.* Significavi etiam amico cuidam *Anfaldi*, extare in hanc rem prolixiorum *Altmanni* exercitationem, ex qua plurima ad rem suam haurire potuisset: Ut autem tibi constet, qua ratione in hac re versatus fuerit *Anfaldus*, dabo tibi aliquem totius operis conspectum, ut videas, quid de hoc opere sentiendum sit, in quo quæ *Altmannus* de Buccinato-re stationario Romano in aula Pontificis a Petro audito afferuit, *Anfaldus* ad Buccinatorem Judæorum forenses transtulit, quam feliciter autem id factum sit, tuum erit judicare.

Primo quidem id agit *Anfaldus* in limine operis, ut doceat quæ fuerit origo buccinæ forensis apud
Tom. V. G g Judæ-

Judæos, illamque ad tempora Judæorum in deserto agentium refert, atque post hæc ostendit, buccinæ usum ad publicos conventus convocandos, obtinuisse tempore Judicium & Regum Judæorum, atque perpetuo conservatum usque ad posteriorem & ultimam hujus gentis ætatem; originem vero buccinæ ad conventum Judæorum convocandum petit Vir Doctus a Græcis, ejusque usum in Democratiis Græcorum egregie exponit, in hac vero assertione, multorum Judicio deceptum fuisse Virum doctum, plurimi asserunt, cum buccinæ usus apud Hebræos longe fuerit antiquior, quam apud Græcos, quis enim nobis exponet, quis fuerit usus buccinæ apud Græcos eo tempore, quo jam recepta fuerat tempore Judæorum in deserto agentium. Ex hac Judæorum consuetudine Verba Christi & Apostolorum de tuba qua homines ad Judicium universale convocandi sint explicat, atque locum de Gallicinio Petro audito exponit; His jam de usu generali Buccinæ apud Judæos præmissis in toto reliquo commentario id tantum agit *Ansaldo*, ut ostendat, errasse hætenus interpretes omnes, inter quos præsertim nominat *Relandum*, *Bochartum*, *Scaligerum* & imprimis *Altmanum*, qui tam infeliciter in hoc loco Evangelistarum explicando versati fuerint; ad alteram post hæc commentarii sui partem procedit *Ansaldo*, in qua ingenti argumentorum & testimoniorum acervo probat, Vocem græcam Ἀλέκτωρ, quæ hætenus per gallum gallinaceum fuit exhibitæ, *buccinatorem* denotare, primusque in hoc agmine comparet *Lycophron* & *Æschilus*, quorum testimoniis ad rem tuam probandam utitur, his succedunt *Polienus* & *Athenæus*, ex quibus certe

com.

commoda testimonia producit, quæ nobis fidem certam faciunt, & *militēs & tubicines* vocatos fuisse *Αλεκτορας*, atque eximio loco firmat, Demadem, celebrem Atheniensium Oratorem *Gallum* dictum fuisse, his atque plurimis aliis testimoniis docet *Anfaldus*, rem esse firmam atque extra omnem dubitationem positam, quod Sanctus Apostolus non gallinaceum, sed Buccinatorem Judæum, Judæos ad publicum de Christo judicium ferendum cogentem audiverit; In hoc autem asserto parum fundamenti habere, quidam asserunt, cum ex Constitutionibus Judaicis constet, apud Judæos licitum non fuisse tempore festi Synedrium convocare ad publicum Judicium ferendum in causa capitali cum de vita & sanguine esset quæstio, convenisse equidem eo tempore plurima Synedrii membra in aula Pontificis certum est, an autem totum Synedrium modo legitimo tempore festi, nocte intempesta, fuerit coactum, hætenus probatum fuisse vix videtur, nec certe eo tempore tutum fuisset totum populum ad judicium de Christo ferendum convocare, cum probe constet ex Scriptis Evangelicis ipsos proceres noluisse primo consentire, ut Servator noster tempore festi ad publicum produceretur judicium, *ne forsitan tumultus fieret in populo*, noverant enim Judæi, ingentem hominum numerum ex omnibus partibus terræ sanctæ, Galilæa præsertim, ad Festum Paschatis venturum Hierosolymam, ex quibus plurimi a Christo fuerant sanati, quique Sanctitatis & innocentiae ejus forent certissimi testes.

Habes heic Vir Clarissime brevibus verbis exposita n mentem *Anfaldi*, finem tandem prolixo

operi imponit exhibendo eruditas observationes de figura & materia Buccinæ, & multiplici ejusdem apud Judæos & Græcos usu: abolitum autem usum forensem buccinæ apud Judæos cum vastatione urbis Hierosolymorum statuit Vir doctus, & operi finem imponit. Hæc sunt quæ ad te perscribenda mihi videbantur, ut vobis constet, novam hanc explicationem in Helvetia vestra cœptam, in Italiam translata, hoc tamen facto discrimine; quod *Anfaldus* circumcisum buccinatorem suscitaverit, quem *Altmannus* gentilem primo nobis proposuit. Plura jam quæ scribam nunc non habeo. Vale Vir Clarissime! & me ama. Scripsi Mediolani, Idibus Februarii CIOCCCL.

